



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03) i člana 6. Odluke o standardima i kriterijima za imenovanje na poziciju predsjednika i članova Skupštine J.P. "Olimpijski bazen Otoka" d.o.o. Sarajevo, broj: 01-05-716/19 od 25.01.2019. godine, Gradonačelnik Grada Sarajeva raspisuje

O G L A S
za upražnjenu poziciju predsjednika i dva člana Skupštine
J.P. "Olimpijski bazen Otoka" d.o.o. Sarajevo

Oglašava se upražnjena pozicija predsjednika i dva člana Skupštine J.P. "Olimpijski bazen Otoka" d.o.o. Sarajevo.

I OPIS UPRAŽNJENE POZICIJE

Skupština Preduzeća je nadležna da samostalno odlučuje o:

1. Imenovanju i razrješenju predsjednika i članova Nadzornog odbora;
2. Imenovanju i razrješenju predsjednika i članova Odbora za reviziju;
3. Usvajanju godišnjeg izvještaja o poslovanju društva koji uključuje finansijski izvještaj, izvještaj revizora, nadzornog odbora i odbora za reviziju;
4. Visini i načinu isplate naknada predsjedniku i članovima Nadzornog odbora;
5. Visini i načinu isplate naknada predsjedniku i članovima Odbora za reviziju;
6. Visini i načinu isplate naknada predsjedniku i članovima Skupštine Preduzeća;
7. Donošenju Statuta Preduzeća i njegovim izmjenama i dopunama;
8. Raspodjeli godišnje dobiti i pokriću gubitka;
9. Povećanju i smanjenju osnovnog kapitala;
10. Odobravanju plana poslovanja, strategije rizika Preduzeća te ostvarivanju trajne poslovne saradnje sa drugim društvima na prijedlog Uprave i/ili Nadzornog odbora;
11. Kupovini, prodaji, zamjeni, uzimanju lizinga i kredita te drugim transakcijama imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine Preduzeća po bilansu stanja na kraju prethodne godine, na prijedlog Uprave i/ili Nadzornog odbora;
12. Izuzimanju stalnih sredstava i korištenje fonda rezervi u Preduzeću na prijedlog Uprave i/ili Nadzornog odbora;
13. Donošenju Poslovnika o radu Skupštine Preduzeća;
14. Donošenju Etičkog kodeksa na prijedlog Nadzornog odbora;
15. Drugim pitanjima bitnim za poslovanje Preduzeća.

Skupština Preduzeća je nadležna da uz saglasnost Gradskog vijeća odlučuje o:

1. Povećanju i smanjenju osnovnog kapitala;
2. Statusnim promjenama Preduzeća;



3. Osnivanju novih društava,
4. Vršiti i druge poslove predviđene zakonom.

Svi kandidati moraju ispunjavati sljedeće opće i posebne uslove.

II OPŠTI USLOVI ZA POZICIJU PREDsjedNIKA I ČLANOVE SKUPŠTINE PREDUZEĆA

- a) da je državljanin BiH,
- b) da je stariji od 18 godina,
- c) da nije stariji od 65 godina na dan imenovanja,
- d) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja upražnjene pozicije,
- e) da se na tog kandidata ne odnosi član IX. 1. Ustava Bosne i Hercegovine - da nisu pod optužnicom Međunarodnog suda za ratne zločine u bivšoj Jugoslaviji,
- f) da nema privatni/finansijski interes u J.P. "Olimpijski bazen Otoka" d.o.o. Sarajevo,
- g) da nije osuđivan za krivično djelo i za privredni prestup nespojiv sa dužnošću u Skupštini Preduzeća 5 godina od dana pravosnažne presude uključujući vrijeme zatvorske kazne,
- h) da nije lice kojem je presudom suda zabranjeno obavljanje aktivnosti u nadležnosti Skupštine Preduzeća,
- i) da ne postoje druge zakonske smetnje za obavljanje funkcije u Skupštini Preduzeća.

III POSEBNI USLOVI ZA POZICIJU PREDsjedNIKA I ČLANOVE SKUPŠTINE PREDUZEĆA

- a) univerzitetska diploma – VSS (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova),
- b) najmanje pet godina radnog staža nakon sticanja VSS,
- c) da nije direktor javnog preduzeća,
- d) da nije član više od jednog upravnog i nadzornog odbora ili Skupštine JP,
- e) da je uspješan u obavljanju na ranijim poslovima,
- f) da ima sposobnost za svjesno, odlučno i odgovorno obavljanje pozicije i sposobnost nepristrasnog donošenja odluka,
- g) da ima komunikacijske i organizacijske sposobnosti,
- h) da posjeduje znanja i sposobnosti razumjevanja poslovnog izvještaja, poznavanja privrednog prava i ukupnog zakonodavstva iz nadležnosti Skupštine Preduzeća,
- i) da ima sposobnost upravljanja finansijskim i ljudskim resursima i naklonjenost timskom radu,
- j) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik BiH“, broj 13/02. 16/02, 14/03 i 12/04).

IV MANDAT

Predsjednik i članovi Skupštine Preduzeća imenuju se istovremeno na period od 4 (četiri) godine.

Izuzetno, ukoliko je član Skupštine Preduzeća imenovan umjesto lica kojem je prestao mandat prije isteka vremena na koji je imenovan, njegovo imenovanje se vrši na vrijeme do isteka mandata ranije imenovanog člana Skupštine Preduzeća.

Predsjednik i članovi Skupštine Preduzeća zaključuju ugovor sa preduzećem na osnovu odluke Gradonačelnika, a po osnovu Ovlaštenja Gradskog Vijeća Grada Sarajeva.

Ugovor u ime Preduzeća potpisuje direktor.

Kandidati s kojima se ne stupa u kontakt u roku od 8 (osam) dana od dana isteka roka za podnošenje prijave neće se uzeti u obzir u razmatranje u daljem procesu kandidovanja.

V SPISAK POTREBNIH DOKUMENATA, ROK I MJESTO ZA PODNOŠENJE PRIJAVA

Kandidati su dužni, uz prijavu, koja sadrži biografiju s kratkim i preciznim pregledom profesionalnih aktivnosti i radnog iskustva, te adresu i broj kontakt telefona, priložiti originalne dokumente ili ovjerene kopije dokumenata i to:

1. uvjerenje o državljanstvu BiH;
2. dokaz o stručnoj spremi;
3. uvjerenje ili potvrda o radnom stažu (izdaje raniji poslodavac);
4. uvjerenje o nekažnjavanju (izdaje sud), ne starije od 6 mjeseci;
5. uvjerenje da nije osuđivan za krivično djelo i za privredni prestup iz oblasti privrednog i finansijskog kriminala (izdaje MUP), ne starije od 6 mjeseci.
6. ovjerena izjava kandidata o ispunjavanju općih i posebnih uvijeta,
7. preporuke

Rok za podnošenje prijava na Oglas je 15 dana od dana objavljivanja u „Službenim novinama F BiH“, odnosno u dnevnim listovima "Avaz" ili "Oslobođenje".

Svi kandidati koji uđu u uži izbor biti će pozvani na intervju, koji će biti obavljen u skladu sa članom 11. Zakona o ministarskim, vladinim i drugim imenovanjima Federacije BiH.

Lični podaci o kandidatima su tajni i mogu se prikupljati i obrađivati u skladu sa odredbama Zakona o zaštiti ličnih podataka BiH ("Službeni glasnik BiH", broj: 49/06, 76/11 I 89/11).

Nepotpune i nepravovremene prijave neće se uzeti u razmatranje.

Prijave se podnose u zatvorenoj koverti lično ili putem pošte na adresu:

**Grad Sarajevo,
ul. Hamdije Kreševljakovića br. 3,
sa naznakom: "Prijava na Oglas, ne otvaraj".**

Gradonačelnik Grada Sarajeva

mr. Abdulah Skaka

Broj: 01-05-1221 /19
Sarajevo, 12.02.2019. godine